

宋

會

要

全唐文

宋會要

捕賊下

捕賊 高宗建炎元年七月二日詔差御營使司都統
制王淵統制官張俊討陳州叛兵杜用都巡檢使劉光
世討黎驛馬忠下叛兵統制官喬仲福討京東賊李昱統
制官韓世忠討單州魚臺軍賊仍宣諭宰職召王淵等
赴都堂授以方略其後光世仲福世忠盡破李昱黎驛
魚臺賊眾各斬首以獻王淵劉光世以功除節度使張
俊喬仲福韓世忠各轉三官其餘有功官兵等第轉官
資於是劇賊如湖北閩僅党忠薛廣祝靖等皆入宿衛
河北丁順揚進等赴招撫司自効餘皆赴東京留守宗

澤納歟盜益哀止 十四日吏部尚書路允迪言近來
州軍保明捕獲酬獎盡是獲到首級並無案款照證不
見得賊人姓名同夥行劫情由贓錢數目斷遣刑名乞
今後官員諸色人如係殺獲別無生擒徒伴照證即令
所屬州軍保明徑申提刑司勘會詣實委是同夥強盜
贓滿死罪正賊別無驅虜脅從平人依條保奏從之

九月二十四日楚州言契勘獲到克惡賊徒勘見情犯
分明結案聚錄審問訖合申提刑詳覆候報處斷或往
復動經數月不能結絕今欲權將應有獲到賊人若係
克惡徒黨勘見贓證分明結案聚錄訖一面依條斷訖
錄案申提刑司候賊盜哀息日依舊從之 十二月二

十一日又詔今後獲到強盜罪至死依京東已降指揮如係人衆或所犯巨竄大情明白者令本州差不干礙官再行審問一面依法處斷訖具犯由申提刑司審察候賊盜哀息日依舊 十月七日詔諸處盜賊起因各各不同其間有本心忠義偶因事冒望不能自明或緣過失負罪不敢出首或逃亡潰散歸隊不得或遭驅虜勢不獲已之人若遣發重兵盡行捕殺則情有可憫若一例招安則其間作過不改之人又不可恕可曉諭應干賊盜如能與見領徒衆同體國家分別之意併減別火或本火盜賊了當赴官出首自表本心當依下項正補官資除授差遣更令立功以雪前耻一併減別火盜

賊或本火作過不改賊眾一萬人以上並計州縣通知確實人數後項律

此立功人第十名武功大夫忠州刺史正將差遣第二名武翼大夫閣門宣贊舍人副將差遣第三名武顯郎

閣門祇候準條將領差遣第四名武經郎第五名武翼

郎並諸州兵馬都監第六名已下及小頭領並令首領

保明以次賞之併減十人至五百人立到賞格有差如

能勸諭本火作過人改過自新經官出首送納器仗軍

人聽歸舊營或與一般軍分百姓令歸業或願充軍比

附職次安排亦許人數依格推賞如更能勸諭別火依

此改過自新者仍別取旨推恩如不能併減全火但能

殺到眾所共識近上賊首送官審驗得實亦隨所殺賊

首大小高下取旨等第推賞立功人元係有官者依前
項第格推恩外仍取旨加轉仍令即臣監司募人賞赴
賊寨告諭十一月十四日知湖州梁端言本州兇賊
童照等一十二人結謀作亂兵級沈賓等告說尋遣官
兵擒獲已將童照等并家屬並行斬首號令外所有元
告人乞正補官資詔沈賓張成特與更加兩官正補保
義郎其餘捕獲官兵等特與加兩資並轉四資二年
正月十日詔曰訪聞諸處百姓緣被賊驅虜面刺入火
等字後來遁歸經由鄉村其巡社輒便殺害深恐無辜
良民陷賊永不敢歸業令諸路帥臣憲司行下州縣榜
諭村社俵被虜百姓即緜公據放令歸業如非被虜之

家依條施行 二十二日詔應盜賊能回心易慮散歸
田里或失業不能自還者令所屬官司條具以聞朕當
區處其日前罪犯一切不問 二月十七日知揚州呂
源言竊見臣僚上言訪聞揚州街市有不逞之人妄造
語言驚擾百姓竊慮乘間作過乞下吏部選差曾歷任
使臣三五十員送呂頤浩分管地分專切巡察姦細盜
賊詔令按撫司於內外見任或得替待闕使臣副校尉
內不以諸般拘礙踏逐差委理為在任月日仍差破當
直廂軍二人外其日支食錢依已降指揮如將來別無
違闕與理短使一次 六月十日樞密院言盜賊未衰
諸路創添武臣提刑一員專管捉殺若只依舊法差人

兵委是使用不足詔除依舊法差人兵外權增差係將或不係將兵一百人有馬軍處差三分之二更於解字所在州差新募弓首二百人係軍兵例支破口食並充隨行捉殺使喚仍須依條被旨及親行督捕方得將帶隨行內弓手候捉殺回限一日發遣逐縣事平日依舊後之十九日淮南西路提刑司言諸州通判不任捕賊託故求免乞重立法後之刑部立下條諸有強惡羣盜州委通判差近下禁軍不得過三十人若盜滿五百人不得過二百人滿千人百人以上叔捕州縣同下不得過三百人並量給器甲提舉擒捕捕盜官捕逐入仍申提點刑獄司如別有幹辦及歸任並遣還即盜滿千人

卷一百一十五

以上雖別有幹辦因本州及監司差委同不許罷提舉擒捕等從

之七月二十八日浙西路安撫司言本路州縣遇有

賊寇竊發鄰郡不為之援必待奏報輒勤王師道路往

回賊已張甚自今乞許本處召募健卒厚以犒賞令告

急于四鄰郡得報不移時遣發兵民救援如已受告給

文字及奉帥邀逗迺不進其兵將或捕盜等官並依軍

法行遣守令當職官並奏劾乞重行竄黜如能率先應

援因而立功之人隨功力輕重許書填空名告敕賞以

官爵其次轉資吏賞不得踰時所有統制及統領等官

或軍民有立異功即具奏聞優加官爵不次擢用以為

勸沮候至本路行之有驗即乞推行天下詔依其應兵

將捕盜等官於合應援地里內逗遛不進許從軍法

十一月十四日御營副使張俊擒新建州判兵葉濃等
先是五月建州選差威果指揮兵士葉濃等三千餘
人勤王督起程間六月一日夜率其徒作亂盜州印及
觀察使印妄作文移攻掠州縣二十一日入福州七月
還至建州官兵屢戰不勝而潰上命俊同兩浙提刑趙
哲率兵收捕十一月十三日王師與賊兵接戰大捷俘
獲二千餘級殘黨星散兵分追襲十四日遂擒葉濃及
以次首領葉明玠范擒虎等皆戮之 四年二月二十
四日廣東路提刑曾統言據連州申奉陵縣賊人二千
餘人已入郴州永興縣作過欲自韶連州尋路去投六

官及虜到鄉民又各刺聚集興宋四字其意望朝廷招
安除已措置官兵隄脩守禦外遂急旋作朝廷劄子下
本司差官選委宣教郎監韶州永通監宋履齋牒前去
見今作過去處撫問軍兵及令開具統領并五軍姓名
回報以憑申奏朝廷推恩所有不候朝廷旨揮之罪乞
重賜施行詔曾統放罪 四月三日詔明州象山縣令
儒林郎周祕擒到兇惡賊人林吉等九人特與改合入
官 時林吉結集朱寅等將帶槍杖往盛神家劫盜財
物為縣尉差出係祕躬親部領弓兵捉獲全火以本州
言故有是命 六月二日宰執進呈建康府獲蕃賊一
名公狀取問係潯人上曰此吾民也止令諸軍使令不

可殺也若女貞則不可留 七日止諭宰執曰劉光世
押魔賊使臣已令加倍犒設可遣還聞光世討此賊允
洗兩縣殺人幾二十萬皆吾民也生靈何辜輝感久之
范宗尹曰臣等見辛企宗等奏殺賊以鉅萬計夸大其
功殊不知皆赤子也雖虛益亦不免如此張守曰中國之
民非蕃賊比豈貴多殺玉石俱焚誠可痛傷 十一月
十一日誤虞澈與改合入官吳擇善與補下州文學賞
捕賊之勞也澈是時為温州瑞安縣令有克惡人夏祥
為劫賊澈遣本處社長吳擇善擒之 十二月十二日
荆湖南路提點刑獄司言管下地分濶遠上接漢峒下
與湖北江西相鄰時有盜賊作過照應止得捉殺使臣

二員緩急關人乞召募有膽勇武藝効用一十人添助使臣領兵討捕若有勞効聽依海行法推賞從之 十
二月詔湖南北路捉殺使孔彥舟除利州觀察使尚書考功員外郎宣撫處置使司主管機宜文字傅勞特轉兩官以旌勦滅叛賊鍾相之勞故也相本夙州百姓父子挾左道惑衆占據州縣於建炎四年二月二十一日徒靈冊立僭號改年天戰文移皆稱聖旨差補官屬皆用黃牒侵占荆岳鼎澧四州勢甚猖獗先是宣撫處置使司遣本司統領和安等掃蕩其勢愈熾至是遣彥舟救援自三月一日到州日與賊戰二十六日辰時遂破巢穴生擒偽楚王鍾相偽太子鍾昂鍾全鍾緒偽皇后

伊氏及偽將相等除殺死以次首領斬首號令外其相
父子并妻伊氏檻送行在彥舟已論賞外有詔賜戰袍
金束帶銀纏捍槍圍牌并細菜全裝甲一副 紹興元
年二月十一日知鄂州兼本路安撫使高衛言乞今後
非承朝旨指定姓名許令招安及承頒降旗榜及帥司
待報不及便宜措置許招安外其他官司及州郡并統
制統領官擅行招安者並依律坐罪其擅招安盜賊如
元無許補轉官資朝旨不得申奏陳乞并招安盜賊官
司兵將不得理為勞績僥冒恩賞詔今後盜賊令州縣
極力措置擒捕不得擅使招安 十八日江州路安撫
大使兼知江州朱勝非言方今寇賊之患其目有三曰

土寇其土寇之由緣南人資產素薄比年科率繁重願特降寬詔稍蠲苛擾察賊之尤者舉行祖宗顯戮之典以慰疲民詔諸州軍非理科率人戶錢米繁重仰逐路提刑司取問違法官司具析因依申尚書看餘依已降德音指揮施行 四月二十三日詔福建路目今盜賊未息州縣鄉村豪俠信義之人為人推服者仰所部州縣公共訪詢次第保明申諸司籍記鄉里姓名遇有盜賊臨時隨鄉里選委彈壓說諭候實有勞効即諸司同共保奏量材錄用從本路安撫使程邁之請也 七月七日御前給降招安旗榜曰奉聖旨南劍州將樂縣百姓昨因闕食遂致嘯聚作過訪聞已受官司招安尚

懷反側未敢出首仰吳達星夜之任多方招諭各令安
業應已前罪犯一切不問如敢依前作過仰本路制置
安撫司遣兵收捕仍令尚書省給降敕牒付吳達前去
曉諭 是月十三日又以德安府舒蘄光黃復州漢陽
軍宣撫使朱勝非言盜賊嘯聚乞給降金字牌旗榜十
副招安詔曰昨逆賊李成占據淮南作過已遣張俊討
殺外其舒蘄等七州軍管下尚有緣賊驅虜或因闕食
嘯聚作過實非本心並令招收赦罪被虜老弱給據歸
業其實堪出戰人並聽宣撫使朱勝非使喚仍具首領
姓名聞奏當議推恩其後十一月四日江南東路安撫
大使葉夢得言迺路有非嘯聚盜賊乞依例給降金字

牌旗榜招安詔曰爾等素懷忠義國家宣力比緣闕食因而嘯聚原其所自實非本心今遣使招收應日前罪犯特與赦免仰將被虜及老弱不堪披帶人經所屬給據放散外其實堪披帶出戰之人結成隊伍並聽江南東路安撫大使使喚仍具首領姓名聞奏當議推恩依此給降三十副 十九日詔將仕郎權福州閩縣尉陳允亨躬親部領弓級捉獲同火死罪強盜林喜等一十六人及知盜所在會合抵界福清縣尉共力捉獲郭新等一十人共二十六人可特受承奉郎 允亨以功授承務郎訖吏部言於法用林喜等一十人改合入官酬獎外有蕭大等一十六人係餘數又及一倍者奏裁故

有是命 九月四日宰執進呈盜劫江上舟黃德等案
目其徒二人伺于岸次刑寺欲原死上曰強盜不分首
從此何用貸朕尋常不敢食生物恐多殺也於此時須
當以殺止殺 二十九日詔福建路盜賊未平鄉村久
被焚掠民力困于養兵師老惠深不當玩寇若不速行
招安即合併力掩捕差監察御史胡世將前去充撫諭
限三日起發兼程前去與辛止宗商量如合招收即疾
速措置如合掩擊疾速進兵不得有失措置 十二月
二十九日詔應係昨因蕃寇潰兵作過之時居民有乘
時殺人放火虜奪財物者如首領人已經捉獲依法斷
治外其餘徒黨元係脅從本無他意者委州縣詳度虛

實方許受理其緣比見禁勘公事大情已正小節未圓
並許結斷仍委提刑司專切點檢覺察即不得將正賊
妄作脅從之人一例不行受理其見禁公事限半月結
絕從江南路轉運通判張匪之請也 二年二月八日
臣僚言川陝之民比年困於調發遂因張浚累奏戎捷
特差內侍任源傳宣撫問中外皆以為宜源又得旨下
五事差人兵護送源又自乞令樞密院給降旗榜及金
字牌五副遇有賊盜欲興州縣長貳同共招安皆從其
請蓋自崇寧以來宦兵握兵馴致禍變今來源所經由
就使遇有盜賊止當移文所屬措置施行而乃欲以招
安自任然則盜賊肯聽之乎又况挾招賊之名聞握兵

之漸事有幾微不可不慮欲望收還所降旗牌等戒約
任源止從元璋盡一事件不得別有陳請詔如前路過
有賊盜去處令任源將金字牌旗給付守令招安 三
月二十一日詔湯易道特與補承信郎捕提官都監安
壽高居實聽尉候東衝各與轉一官捉事兵員劉賢林
禮洪仲蔡旺陳養王周陳靖高勝各與轉一資並於正
賊職名上遷轉內侯東衝已係承直郎候改官了日收
使以泉州禁軍兵級鄭貴等相結要就都教場合陣表
時擁兵衆殺人放火作過客人湯易道經道告之都監
安壽等捕獲獄具斬首號令訖帥司奏乞推恩故有是
命 其後四年五月四日邵武軍兵士黃嵩特補保義

郎仍添差本州指使軍員孫旺聶生十將李回各轉四
資本軍巡檢保義郎管道直轉一官以高等告首蕭吉
等同謀作過遺直捕獲伏誅故也 二十二日詔臨安

府使臣劉坦王勳各轉一官減二年磨勘各更支賞錢
一千五百貫李振郭立各減三年磨勘各更支賞錢五
百貫內賞錢等第分給緝捕人兵令戶部支給以捉獲
叔賊顧安酬賞也以知府朱輝言顧安等打叔承信郎
劉深船財物係坦等捉獲其合得實理合分別輕重故

也 閏四月十九日吉州言準紹興元年九月明堂赦
書應有盜賊許一月內出首自新以前罪犯一切不問
又承提刑司格到宣撫使司備降詔旨立便自過自新

速行放散人丁歸業上項指揮亦稱以前罪犯一切不問竊詳逐項指揮今後招安出首賊盜不得以追贓識認人口之類為名勾追根究以前罪犯緣其間却有盜賊作過係被害人於赦前經官論理追捕未到續於赦後一月限內出首歸業其被劫之家再有詞訴未審合與不合受理施行刑部看詳如盜賊係依赦限一月之內出首之人雖被害人於赦前經官陳理官司追捕未到緣既在限內出首自不合受理根究前罪所有出首歸業之後有元虜到人口顯然存在者無問被盜之家論訴在赦前後難以一例不行受理從之 六月二十三日詔孟庾特轉通議大夫依前參知政事兼福建等

路宣撫使以招捕賊盜績效顯著故也 七月五日福建路安撫使司言南劍州沙縣替下弓手節級羅仁因召募防托揚勅賊殺獲兇惡強盜張遷等三名及舊充弓級日隨從捕盜官捉獲強盜盧三十八等七人欲乞推恩詔羅仁與補効用甲頭十七日廣東福建帥司言得旨相度措置海盜事宜欲責令逐處本地分巡尉與海上緝捕使臣於本地分活責應有大小獎船之家並籍記姓名每三家或五家結為一保遇有下海興販買賣如保內人輒敢劫作過許同保人收捉如同保人蓋庇許別保人告捉又不覺察致被官司捉獲其保人一例坐罪逐路巡尉遇有下海船作過即時捉獲並與

依條推賞若勢力不加即時聞報鄰近巡尉會合掩捕
如致大小英船走漏限滿收捕不獲即行收禁根勘聞
奏詔劄付福建路提刑司依相度到事理 初臣僚乞
於廣東福建兩浙路瀕海州軍及近裏江面自來有大
棹停藏及往來去處各置水軍專管捕大棹盜賊詔下
兩路帥司相度故有是請 十二月十二日詔今後捉
獲放火人有官人與轉一官無官人支給賞錢一千貫
令臨安府出榜曉諭 三年二月六日詔令江西帥司
今後應有招收賊火分明諭以朝廷德意若已受招安
放散之後復有結集作過即遣發大兵不以遠近討捕
焚蕩廬舍籍沒家產更不招安 十九日詔令江西帥

司摘那一項軍馬二千人以來常在袁州駐劄緩急捉殺盜賊從知袁州趙士峻之請也 二十六日李通元係路進下以次首領其路進等係已受招安再行作過之人元在司空山劄寨侵擾舒蘄二州因知舒州武赴死路進李通聚眾攻破舒州殘害不久後來雖受都督府招安令往和州駐劄又遷延累月不下山寨前後反覆放兵劫掠作過不已今來止是因起發間被火內殺併即不見得的實事因難以追贈令都督府照會施行時以江雅荆浙都督府言李通係忠義率其眾來歸不幸為其徒所殺乞行褒贈故有是命 三月四日宰執進呈招捕虔州盜賊事上曰此雖盜賊本吾赤子必

不得已而後殺之况為將者自不可多殺是月二十二日又詔慶民嘯眾皆赤子雖曾作過尚務寬貸仰江西帥憲及本州告諭限二十日自新一切罪犯特與赦免如違即令慶州見屯軍馬依已降指揮前去收捕五月五日不理選限登仕郎劉清臣言權南劍州叙蒲縣丞親獲兇惡彊盜張仁等七人依法合補承信郎仍與指射差遣為乞就文資特旨補上州文學 先是有權會稽尉石州助教阮尚霖捕彊盜韓珣等七人合補進武副尉乞就文資特旨補下州文學清臣因用是例陳乞也 七月九日樞密院昨差統領官中世景福州駐劄其本路盜賊已見寧息外有廣東一路頗海去處

理宜措置詔令樞密院選差統官兵一員帶令官兵三千人并家小前去廣州駐劄彈壓盜賊權聽本路帥臣節制十五日淮南東路提刑司言盜賊作過其間多有脅從之人若一例捕殺深恐枉害平民緣本路實係邊面緩急賊發申乞招收亦恐後時欲望給降招安旗榜詔給降三副二十一日江南西路安撫大使趙鼎言虔州管下賊火不一今來岳飛雖已破蕩巢穴竊慮大兵起離之後復行嘯聚合要一項軍馬彈壓措置除已牒岳飛量留軍馬五千人權就虔州駐劄自餘軍馬發往吉州歇泊量帶親兵并劉僅人馬赴行在從之二十七日詔神武中軍統制楊沂中招捕魔賊繆羅等

了畢可除沂中盜郡承宣使其餘人第一等各轉兩官
第二等各轉一官第三等減三年磨勘是年五月羅
等於嚴衢州作過差沂中前去招捉其後沂中言前後
生擒到賊徒根問得元是十頭項除繆羅已就嚴州招
安外所有見擒捉到王倉等九十六人辨認並是正賊
就元犯處一面號令處置脅從之人於今歸業訖續搜
捉到羅家屬妻男等九人未敢施行詔並送永州竊管
至是樞密院言合行推恩故也十月八日左通直郎
唐恕言江湖之上強盜虜劫舟船間有舉船盡遭屠戮
蹤跡滅絕官司無由得知蓋緣刑部久例有獲賊盜不
知被主姓名無人照對則不該推恩捕盜官司既知無

激勸之方又欲逃捕限之責為盜者窺知此意往往殺人唯恐噍類之不盡乞下有司若彊盜案據分明已經論決雖無被主照對其捕盜官司特與依獲盜之法推賞吏部看詳欲將賊人行劫到財物無被主照證不曾經結斷依刑部定例不許收使酬獎外有彊盜傷人或不曾傷人賊滿各罪至死如曾經提刑司詳覆或朝廷定奪所斷刑名允當及徒流罪雖不曾提刑司詳覆如款內所招情犯明白已經論決欲並許依條推賞從之二十五日進呈廣西盜賊事上諭宰執曰允擒捕盜賊多緣賊首未殄遽已奏功兵退又復聚眾為寇兼監司州縣不能卹民侵刻所至故散而為盜賊盜賊發

又有時奏故使滋蔓可嚴戒約之令之以實聞且令江西帥司移虔州所屯兵南戍 四年正月五日詔應羣盜發去處如差去官兵掩捕即會合本地分并隣界巡尉官兵把截若走透入別州縣或別路界分其元差官兵及本地分巡尉官兵並不以路分遠近追襲須管勦除盡靜方得回軍如違仰逐路安撫提刑具統兵巡尉職位姓名申樞密院取旨重作行遣 六日刑部言臨安府域內犯強盜之人緣有紹興二年三月四日已降指揮並依開封府條法斷罪其本府域內知欲為強盜之情而蔽匿過致資給令得為盜令得隱避者即未有許依開封府條法指揮若有似此犯人亦乞引用開封

府條法餘非犯強盜者即知情藏匿過致資給之人自
不合一例引用開封府條法從之 四月六日詔左從
政郎南劍州劍浦縣令陳份改左宣教郎更減二年磨
勘以捕彊盜吳大有等二十六日準令同火又及一倍
推恩賞也 是年十月二日建州杜首丁德高稱進武
校尉更減三年磨勘五年五月十四日忠訓郎廣州新
會縣崖門山巡檢高惟寅轉敷武郎更減二年磨勘皆
捕獲同火外又及一倍該賞 二十九日詔諸色人能
引獲賊人出首赴州縣者準獲級理賞每判面三名老
幼婦女七名準一級其出首歸業人聽指射閑甲耕種
並免稅役差科二年從知泉州程昌禹之請也 五月

二十五日詔左從事郎樞密院編脩官田如鑿殺獲南安軍克賊宋破壇等可依軍功捕盜法與轉一官南安軍通判魏彥杞減三年磨勘 初紹興元年六月吳忠結集宋破壇劉洞天數千人燒劫高安軍管下南康上猶縣殺害兵民侵犯軍城時如鑿乃土人江西提刑司差權南康縣丞并委彥杞說諭掩捕至是殺獲推賞二十七日臣僚言鄉村被盜巡尉遣弓兵根捕類皆搖紉四鄰乞覓播擾正賊未嘗獲欲申嚴法禁杜絕前弊刑奇看詳因緝捕知非本犯之人輒殿縛以取財物者依詐稱官遣追捕殿縛人取財法以不持杖彊盜論罪止流三千里流罪皆配千里乞聖條行下及違法之人

許人戶於本路帥司越訴從之 七月十三日詔福建
安撫司統制申世景單德忠速道各轉一官其餘推恩
有差 以世景等捉獲虔賊陳顛及收捕建昌軍石陂
寨軍賊李寶等故也 十五日臣僚言乞將紹興敕犯
盜以錢定罪者遞增其數刑寺看詳在法不止竊盜一
事其餘計錢定罪者理合一體措置今欲權宜將較內
應以錢定罪之法各與遞增五分斷罪謂如犯竊盜三
貫徒一年之類候邊事寧息物價平日依舊從之 九
月一日詔諸州並給承信郎以上至成忠郎各一道
如有告首作過之人審驗詣實書填補官訖具已補因
依申尚書首其已補人特添差本處指使從臣僚之請

也 十二月二十七日詔鄒崇補承信郎仍差充江西
安撫制置使司緝捕使喚以捕獲吉州克賊唐英推賞
也 時永豐縣有賊唐小龍名英前後殺知縣并臨江
軍都監等九員今招諭到首領鄒崇逢賊拒戰除殺死
外崇能生擒唐英等故賞之 五年二月十四日詔湖
廣江西盜賊已遣大軍前去招捕外緣初因州縣失於
撫存以致嘯聚原其本心實非已得宜就委倉部郎官
章外前去因便措置撫諭如有出首之人但於所屬州
縣將被虜老小給據放散其首領令本路帥司權行收
管具名申樞密院當議補官施行 十八日詔擢度廣
東羣寇復作過自今降指揮到日再限兩月許令出首

內有材武之人願赴都督府使喚令帥司照券津遣前來當議不次任使 三月九日詔諸盜發州縣取索捕盜官印紙批書而違限者杖一百監司所至不為取索印紙點檢者更減二等 十日刑部言契勘犯罪之人情狀既有輕重則本罪刑名亦有等差看詳結集徒黨及十人以上欲為強盜未行而被獲或雖不及十人若情犯如秦州王安等者依法寺供到條例比附結集徒黨立社法徒罪刺配役者編管其結集不及十人欲為強盜不曾指定叔某人家財物又無嘯聚情意并止欲劫某人家財物而未行被獲比之欲為羣盜嘯聚作過者情犯頗輕合從不應為重斷法寺以其情犯輕重議

刑若結集人眾所謀重害之人如王安等情犯即合作
輕重法輕奏裁其餘自合依條施行從之 四月三日
詔程愿與轉一官以湖南安撫司備申愿所陳前任潭
州醴陵縣事與賊對敵中傷不死敵退賊眾故也 八
月二十四日福建海賊朱聰等補保義郎其次各補官
有差 是年正月聰等海內聚集船三十余隻約二百
餘人入廣東諸縣殺人放火後朝廷委福建廣西帥司
措置招捕至是聰率眾來降詔聰等所率徒眾萬數甚
多於是將補保義郎薛遵林廷彥各補承信郎程遠曾
元侯仇張仲吳猶林日光林舉林元壽吳德並補進武
校尉 六年八月九日詔海賊鄭廣鄭慶各補保義郎

以次第推恩 廣慶本皆良民緣收捉鄭九在官致懷
疑貳因而下海作過朝廷遂給降告命至是招安 八
年八月二十七日詔招捕盜賊事可委監察御史一員
前去宣諭 先是上曰朕夜來思慮得江西盜賊未息
使平氏不安當就楊浙中軍中差撥一二十人前去
勦除又慮州縣不能存恤致百姓失業不得已而為盜
及降黃榜曉示使之改過歸業如尚不悛然後誅戮故
有是命 十二年二月二十日臣僚言聞廣去朝廷遠
甚捕盜之人多詐冒功賞難以徧察乞將詐冒告捕盜
人依紹興六年八月二十日詐冒獲盜指揮斷罪外仍
許人告將所詐授官資依條格與告獲詐冒作告捕人

抵受如不願轉官資即支賞錢一千貫從之 十三年
五月十七日吏刑部看詳臣僚言今後獲到疆盜已經
結案長貳聚錄訖刑名已定遇恩之人許依賞格如在
縣未結解到州未結案長貳未聚錄之人即係刑名未
定更不推賞其冒賞除正犯入已有立定告賞外如諸
色人告捕人吏赦後折換疆盜公案故入人罪迎就賞
格與轉一資錢二百貫充賞 十六年八月二十七日
詔今後捕獲疆盜在州縣未經結案聚錄遇恩之人候
案成依大辟法外令長吏以下聚錄取索文狀方許斷
遣如捕獲人陳乞推賞仰所屬次第覈實保明聞奏遵
依紹興舊條脩受各依本法施行餘依見行條法權刑

部尚書周三畏請也 七月九日吏部言命官諸色人親獲彊盜功賞依見行條法外其廣南有緝告盜賊之賞只得其實今欲將緝告彊盜人酬賞依格改作支賜余路亦合一體關防如告獲羣盜從未有立定支賜格欲下班祇應以下每一資依條支錢五十貫進義校尉依下班祇應格支賜詔從之 以廣東運判范正同申請吏部有詳故有是命 十五年六月二十三日上謂輔臣曰可說諭殿前司今後招捉到賊分隸諸軍填關額如此則盜賊銷矣 十七年六月二十三日上謂輔臣曰弭盜賊當為遠慮若但招安補授恐此輩以嘯聚為得計是啟其為寇之心今已招到且依所乞可割

下諸路日後不許招安 二十八年三月二十四日進
呈推賞平嚴州山洞草寇事上曰朕嘗謂後世用官招
安盜賊將以弭之適所以勸之也不若以資寇之官賞
捕盜之人茲為良策 二十三年二月十一日詔樂慶
州軍賊首黃明劉先段忠處斬并斬以次首領鄧聰李
福鍾榮曾臯劉勝鄧貴於市明等本慶州禁軍初緣步
軍司差官前來揀兵有齊述者于諸營率斂財物計屬
免行揀發及將彊壯軍兵以彈壓收捕盜賊為名差徃
諸縣不令赴揀因而結會倡亂攻打州城逼殺本州駐
劄殿前司統制吳進并按撫統領官馬晟遂據城縱火
殺虜良民及朝廷遣大兵收捕又拒戰殺害官軍至是

擒獲付棘寺鞠實遂抵於法 二十四年八月十四日
詔樂衢州百姓俞八等七人處斬并斬項念等六人絞
蘇伯世等五人初俞八與佃主徐三不足因集保戶持
杖劫奪穀米不計數目并擒捉徐等同往祠神燒香鳴
鼓結集徒伴至一千餘人前去嚴州界虜劫財物燒毀
壽昌縣等處倉庫居民屋宇殺損平民并拒抗官軍既
而捉獲付棘寺鞠實遂抵于法 二十六年正月十一
日詔諸州縣有犯強竊盜須管督責巡尉嚴限收捕不
得抑令鄰保出脩賞錢搔擾仍將所通委實窩藏及寄
贓等入並令獄官開具申州州委通判縣委知縣親行
審問詰實方得勾追如有虛妄加本罪一等若承勘官

司教令供通人吏重行決配勦官取旨黜責防送人故
縱依條斷遣外特行編配 七月二十五日三省樞密
院言捕獲海洋劫盜除所屬保奏推恩外即未有海船
每隻賞錢則例今參酌捕獲海船賊徒每隻十人以上
欲支錢三百貫二十人以上欲支錢四百貫三十人以
上欲支錢五百貫從之 二十八年六月二十五日詔
福建路安撫司都巡檢武功大夫張佐水軍統領武翼
郎鄭慶迎成忠郎李元各轉兩官忠訓郎李儀從義郎
李受準偕差遣權水軍同統領承節郎林元各轉一官
咸三年磨勘廣東安撫司水軍統領保義郎江漢轉一
官咸二年磨勘以佐等捕獲海賊劉臣興等推恩也

三十年七月二十八日詔興國軍免解進士吳堯獻特
與補右迪功郎以臣僚言本軍賊徒猖獗堯獻糾率丁
壯捍禦擒殺闔境安堵乞下帥司究實推賞繼有是命
三十一年六月二十三日詔諸路州軍除正巡尉獲
盜依舊法推賞外有暫權巡尉及督捕并非捕盜官告
捕獲盜之人並依所得酬賞上減半推賞其暫權巡尉
之人若任內有不獲盜亦合依透漏權貨比正官減半
責罰謂如正官全不獲強盜一火罰俸一月其時暫權
官兩火罰俸一月之類仍鑿板通牒諸路監司諸州軍
遵守施行時以言者謂州縣假名權攝偽冒盜賞者衆
故有是命 十月二十五日詔近緣車駕進臨安府遇

有兵級犯罪若彊盜同火七人以上或彊盜殺人及告

捕人并監司州縣人吏有犯情理深重者許令安撫司

時暫依條酌情處斷候事定日依舊已上中興會要孝宗紹

興三十二年八月二十三日已即位未改元中書門下省言勘

會淮東西京南路間有盜賊擾界上乞敕逐路安撫司

如遇有盜即遣兵掩捕務在擒獲從之隆興元年三

月七日臣僚言近聞明州象山國及秀州華亭多有海

賊剽畧居民宜詔沿海諸路帥臣監司督責州縣及捕

盜官量度事宜設為方略或土豪大姓使之發察覘伺

密行逮捕或喻以禍福招為平民及於沿海控振之所

增置水軍擇所統轄往來巡邏州縣彊封連接互相追

捕使無所止別海上之盜庶乎弋殲從之 同日臣僚
言捕盜之要在於賞功若該賞者例被沮抑則有功之
人無以示勸乞將沿海兵將州縣捕盜官及土豪弓級
捕獲海盜者監司帥守以時保明聞奏及其黨與能自
殺并經官告獲者皆依格給賞庶幾信賞必罰人知奮
勵從之 五月二十九日參知政事督視湖北京西路
軍馬汪澈言近日全州軍士擅竄兵仗及傷守臣掠奪
公私財物一路震恐臣即於出戍選鋒軍內揀選百人
委武功大夫步軍第一正將牛信將之止以廣西取馬
為由掩賊不備已將首亂之人一夕俱擒自餘軍民悉
無驚擾 十一月十二日臣僚言竊見二廣及泉福州

多有海賊嘯聚其始皆由居民傳藏資給日月既久黨
衆漸熾遂為海道之害如福州山門潮州沙尾惠州激
落廣州大英山高州碭州皆是停賊之所官兵未至村
民為賊耳目者往往前期告報遂至出沒不常無從擒
捕乞行下沿海州縣嚴行禁止以五家互相為保不得
停隱賊人及與賊船交易一家有犯五家均受其罪所
貴海道肅清免官司追捕之勞從之 二年二月十七
日容州言普寧縣百姓李雲等嘯聚在藤州界縱火殺
略居民詔劄下廣西經略安撫提刑轉運司疾速措置
招捕已而廣西運判鄭安恭言李雲部令千餘人去容
州二十餘里即時差官兵拒敵生擒賊首李雲等八名

餘黨潰散

二十四日三省樞密院言廣西克賊王宣

鍾玉等結集徒眾其初不滿二百人後至千餘人連破雷藤二州近據廣西轉運司申已督諸將進兵與賊接戰斬副賊首曾權主擒副首領謝權等其王宣鍾玉等已詣軍前自首餘黨悉平 二月二十七日德音容雷

高藤四州應緣近來盜賊良民或被驅脅因而隨後作過本非得已限德音到日以前罪犯並一切不問各令歸業如曾被賊刺淫之人令州縣勘驗詣實給據放令逐便 十月二十七日臣僚言臨安府比來盜賊猖獗或白晝振竊或昏夜穿窬輦輶之下豈容若此乞令臨安府嚴切收補如擒獲賊人於常法外嚴行處斷所貴

寇竊屏迹居民安堵使之 十二月十日臣僚言兩淮
之民自虜騎入境遷移渡江散處浙西江東諸郡歷日
既久資糧罄竭初則十百為羣斫伐居民林木以為薪
蒸已而畧奪商旅貨財曹聚既眾遂致居民之家間遭
剽劫者流民迫於饑寒相扇為盜誠可矜憫欲望申救
江東浙西轉運常平司廣行賑濟務令實惠及民仍委
兩路提點刑獄巡歷所部禁戢剽劫如捕獲為首兇惡
人與重加刑辟庶幾恩威並行姦盜自息使之 乾道
元年五月二十八日臣僚言湖廣盜賊連年竊發今聞
郴寇李金等又復荐作至於鼓行而前直擣縣邑眾以
萬計器甲部伍粗備緣郴州旁連二廣外邇章貢皆平

時盜賊淵藪若不早行勦除非徒恐相唱和而二廣諸郡城壘兵備率皆單寡儻或深入于彼竊恐為患未已乞於近地屯戍大軍遣發精銳數千人前往討捕并敕二廣諸司糾集諸郡兵據其走集之地使賊不能越軼衝突則其勢必窮蹙而易於撲滅矣從之 七月十九

日知潭州兼湖南安撫使劉洪言郴賊李金等結集民眾攻圍英連等州嘯聚萬數已差本路安撫司統制官田資統率官兵前往討捕近已獲捷詔劉洪將脅從及被虜人子細辨驗出給公據放令逐便不得一例誅殺 八月二十七日中書門下省言據湖南申昨蒙朝廷差拱衛大夫成州團練使鄂州駐劄御前水軍統制楊

欽統率大軍討捕兇賊李金等至本月四日連破賊黨

初七日至莽山何家洞生擒賊首李金餘黨皆平詔劉

洪同揚欽等具立功將士以聞詳見軍實門十月二十九

日臣僚言邇來淮北紅巾多過界剽劫若不早行措置

深恐為患滋熾乞劄下鎮江建康都統制司戒約沿邊

守把將官及都巡檢司如官軍與賊拒敵計所斬賊級

立定賞格或逐處居民自能殺賊者亦依例推賞從之

十一月二十八日知楚州胡時言近有羣盜蕭榮自

淮北過淮劫掠淮陰縣殺火燒官私屋舍戕殺居民尋

遣所部巡尉統兵躬帥并勸諭忠義人追捕蕭榮及徒

黨應時擒獲詔蕭榮并賊首並縛于市其餘徒黨依軍

法施行 十二月三日廣東提刑石敦義言近日李金
雖已擒獲餘黨尚繁往往奔竄山峒藏隱出沒深慮異
日復行結集今措置欲令誑誤脅從之人自首者並押
赴摧鋒軍充効用其間老弱疾病不願從軍者與給公
擺放令歸業從之 二十六日三省樞密院言光祿壽
春流離之民近方業集又為盜賊搔擾不安其居聞淮
上盜賊類皆江左閩越之人非遊手不逞別軍伍竄卒
誘集徒黨肆為剽竊乞敕諸州守臣督責巡尉嚴切警
捕從之 二年七月六日臣僚言乞今後賊盜竊發守
令即時措置收捕如出限不獲除巡尉各坐罪外其守
令仰提刑司具職位姓名接奏從之 十八日知揚州

周際言照應淮東諸州軍山寨水寨內多疆壯精習武藝之人乞自今遇有賊盜竊發其間有能擒捕者除依格推賞外更保明申朝廷優與推恩從之 二十二日知和州胡昉言近日多有亡命之徒至州界劫奪民旅財物或乘舟大江往來剽乞自今捕獲劫盜或殺死財主或傷捕盜官或殺捕盜公人或嘗縱火虜掠或州縣鎮寨船械內行劫或係累行劫盜許役守臣一面酌情處斷詔今後捕獲前項盜賊許直具奏聞 四年五月十五日臣僚言今歲諸道間有荒歉之所饑民乘勢劫取富民廩穀有司往往縱釋不問深慮滋長不已頃紹興間嚴陵小饑民有率眾發人廩穀者守臣蘇尙知

不可長矣其首謀四人故雖年饑而郡境帖然使甲戌
衢州之變守臣亦能出此豈余七余八敢聚衆生變哉
臣以謂不幸而遇歉歲賑救不可不極其至而禁亂亦
不得不極其嚴凡有劫取升斗以上者皆以多寡為罪
輕重庶幾銷患未形民得安堵叱之養禍成變始以兵
討定萬不俾矣後之二十八日臣僚言聞沿江幽僻
之所多有漁舟聚集寅夜剽劫潛伏江湖莫能擒獲乞
行下諸路提刑司督責州縣嚴加警捕後之八月七
日廣西提刑滕庸言兇賊謝實等煽聚徒衆侵犯高藤
容三州縱火殺略居民即調發官兵前往收捕已擒斬
謝實并獲其黨謝達等六十二人錮送靜江府處斷餘

黨皆平 五年十二月十日知廣州吳南老言廣右封疆闊遠連接江西福建湖南諸路多有無賴惡少結為黨與私藏器及詐為商旅盡入二廣豪右之家窩藏資給使之恣行劫殺或捕盜官有直姦貪剝之人反受賂賂容其出沒欲望特降指揮應廣南兵官巡尉有御下有方善於擒捕者許經畧司保明敷奏優加褒擢或庸懦老病姦賊非法者亦令案劾聞奏重賞典憲庶幾一路官吏職在捕盜者有所懲勸後之 六年十一月六日大禮赦訪聞諸路州縣饑貧小民或於鄉村山谷或在海嶼聚止因闕食情實可矜仰州縣出榜曉諭候赦書到日限一月於所在州軍自首日前罪犯一切不

問委州軍長貳躬親審量將少壯及勇敢之人就近發
赴屯駐大軍剗填軍兵如諳會船水發赴鄰近水軍換
老弱不堪披帶人給糧逐使如限滿不省復罪如初
七年正月二十四日權知臨安府韓彥古言近勘放停
軍人伍興自紹興三十年七月至乾道六年十二月前
後為盜九十三犯累經斷遣如徒杖剗環色色有之仍
前不悛復出為過若止從杖罪斷配母以懲姦緣本府
係輦轂之下即與其他帥府事體不同欲乞就本府斟
酌處斷後之 二十八日樞密院言近日州郡間有盜
賊嘯聚皆是竄卒及閭里姦惡無賴之人乞令守臣及
屯駐軍主兵官協力收捕仍委監司覈察稱有違戾監

司守臣主兵官一等科罪徒之 二月六日知南安軍
呂大猷言盜賊敗獲在法雖有告捕之賞而今之官司
多不以時支給為盜者入獄均贓往往多指告事之人
遂致監索禁繫反為已累欲望申詔郡邑應告捕賞錢
並以時支給其盜賊已係贓滿止據贓定罪雖有功通
隱匿贓物之人並免追理錢廣告捕者爭相効命姦盜
不能存跡矣從之 十四日冊皇太子赦訪聞多有逃
亡軍人并沿海州縣犯罪小民畏避刑憲因而嘯聚在
海作過雖已降指揮委帥憲司督責捕盜官會合收捕
務要日近靜盡可自赦到日並限一月許姪所在官司
陳首以前罪犯並與原免或徒中能相擒捕更與推賞

內軍人赴本軍收管百姓給據自便限滿不首即依已
降指揮施行 三月四日知臨安府韓彥古言近以鼠
竊滋繁措置擒捕城中知名盜賊同日執獲者計一百
四人皆累經刺還斷罪跡狀明白欲乞差官同驗來歷
分送江鄂韶州屯駐軍及饒州等處鑄錢監充役所貴
興邑肅清民得奠枕詔依差馬希言同具姓名申尚書
省 五月五日勅令所狀準送下吏部侍郎張津劄子
在法捕獲劫盜頭財主照證方與推賞若海道相遇適
然行劫盜賊主名何由而知必欵被劫之家照證方與
推賞則捕盜官司欲露尺寸難矣乞降指揮自今海道
捕獲盜賊如已勘見情實許一面推賞所貴更加激勵

本所契勘在法強盜十次得財如一傷人當兩得財並謂有財主照證者或傷捕盜官或手殺捕盜將校或結集徒黨並與克惡官司勘鞫止憑被劫財主認賊理作次數今若將海洋賊徒一槩斷罪慮恐希賞之人因而計囑獄司將賊人不及次數非理煨煉轉為數足理作克惡不惟僥倖賞典深慮刑獄寬濫乞自獄司根勘見得十次得財內六次有財主照證其餘次數雖無財主追究亦聽入克惡色目餘依見行條法施行從之 六

月二十一日廣東提刑姚考資言據成忠郎水軍統制熊飛劄子海道之險為賊淵藪出入往來居民被害官兵追捕倒皆冒風濤涉險阻以身犯不測之淵比之平

陸事體不同欲乞重立賞格自今如捕獲海寇一舟之
贓官不拘籍悉以充戰士或有停贓資給之家令官司
根究鋤治庶幾士卒有爭奮之心盜賊無支黨之助肅
清海道將自此始從之 十一月二十三日知常德府
劉邦翰言本府素為茶寇出沒之地今歲湖南北旱傷
持杖劫掠者日多欲望剗下鄂州都統司差撥五百人
赴府出戍庶幾鎮壓寇盜民得奠枕詔湖北安撫司勘
量合差人數於本路州軍係將不係將禁軍內差撥
九年六月十六日知荊州府葉衡言近日興國一帶多
有劫盜數百為羣劫掠舟船往往皆係興販私茶之人
反刺配逃軍州縣雖有巡尉力不能敵乞自今令江鄂

州襄陽并遠屯駐水軍各差一二百人於所管界內往

來江中巡邏仍令主帥擇將官一員部轄率以四月下

江至九月水落歸軍庶幾江湖數千里免有盜賊之虞

從之已上乾道會要淳熙元年四月二十八日刑部言近來所

屬保奏捕獲兇惡強盜遇赦後結錄之人其被賞者止

是本州保奏到部提刑司不曾覈實保奏致本部取會

動經歲月無以杜絕詞詐敕令所看詳欲於賞令注文

內提點刑獄司覈實字下添保奏二字從之 二年六

月十九日詔茶賊於吉州永新縣界禾山等處藏匿已

令王琪皇甫侗遣兵將搜捕如能捕殺賊首之人每人

捕獲或殺賊首一名特補進武校尉二人承信郎三人

承節郎四人保義郎五人成忠郎各添差一次五人以上取旨優異推恩二人已上立功即行分賞八月六日詔茶寇已立賞格許人捕殺其官兵土豪諸邑人等如能生擒及捕殺正賊首第一各特與脩武郎第二各從義郎第三各秉義郎各更支賞錢五千貫添差陞等差遣一次或徒中有殺併出參之人與免罪外亦依上件賞格補官支賞添差其徒眾多是脅從有能拔身出首之人亦與免罪依已降賞格施行閏九月十四日樞密院言茶寇已收捕其湖南江西廣東撫司荆鄂都統司先具到陣亡并輕重傷人理宜存恤推恩詔戰亡人依乾道二年收捕李金例推恩其輕重傷人各給錢

有差 二十八日奉敕進呈昨茶寇自湖北入湖南江西侵犯廣東已措置勦除理宜黜陟上曰辛棄疾捕寇有方雖不無過當然可謂有勞宜優加旌賞汪大猷身為帥守督捕玩寇不可無罰廣東提刑林光朝不肯避事躬督推鋒軍以追賊鋒志甚可嘉初謂其人物端緩臨事乃能如此宜與進職湖北提刑徐宅盜發所部措置乖方宜加責罰於是詔江西提刑辛棄疾除秘閣修撰廣東推鋒軍統制路海路鈐黃進掩殺賊寇不致侵犯海落階官除正任刺史特轉行遙郡團練使林光朝特進職一等江西提刑錢佃軍前督運錢糧不聞除秘閣倚撰前湖北提刑徐宅進三官前江西帥臣汪大猷

落職送南康軍居住 十月二十七日詔統制官解彥
祥統領官梁嘉謀張興嗣收捕茶寇調發乘謬彥祥追
三官嘉謀興嗣各追兩官並勒停 四年四月十八日
詔武功大夫榮州刺史林文特轉成州團練使承節郎
充沿海制置司正將趙蓋臣特轉成忠郎承信郎充恐
海制置司正將董珣特轉保義郎曹安陸倪德特轉一
資傳興等一百十四人令制置司特支犒設一次賞捕
明州海盜之功也 七月二十四日詔捕盜之賞正官
在假而督權者獲盜止與循資其捕劇賊及人數多者
即聽奏裁本州及提刑司保奏盜賞並須指定保明不
實者守倅監司一例坐罪先是左司諫蕭燧言捕盜官

應各改官往往湊足人數寔就獄情求合法意乞止與
循資既而吏部尚書韓元吉奏謂輕重不均則恐捕盜
之賞驟廢故有是命 六年二月二十三日興州統制
吳拔言西和成鳳州沿邊一帶多有強盜來往兩界作
過今說諭招到首領楊廣等九十八人係少壯有膽氣
膂力勇敢之人乞依昨招收實測等例將前件人隨高
下置之軍中所屬吏破衣糧詔依所乞自今如有似此
作過人令收捕依法施行不得依前援例招收 四月
二日詔縣尉捕盜賞有濫及平民以求滿數者提刑司
嚴切覺察如有違戾重作施行日後或因詞訴考見寃
濫提刑司亦當議罪從臣僚之請也 十三日詔湖南

賊徒陳炯等嘯聚作過累降指揮差發鄂州駐劄大軍
前去會合將兵弓兵等措置掩捕如徒中願立功自
新出參及土豪諸色人能捕殺賊首依下項推恩如係
二人已上立功即行分賞每人捕獲或殺併賊首一名
特與補進武校尉二人補承信郎四人補保義郎五人
補成忠郎各與添差一次如補殺五人已上取旨優異
推恩 尋委王佐前去專一節制軍馬其鄂州大軍捕
賊事宜一就奏報未幾炯敗獲於是湖南運判陳孺以
應辦有勞陳直秘閣王佐除顯謨閣待制其元達發殿
前司檄鋒軍正將劉安準檢校羅宗旦訓練官巫遷張
德謝先及其餘將兵推恩有差 二十七日詔捕盜如

弓兵保五果獲正賊雖有他過若因犯人供通弓兵某人曾奪去錢物若干保伍某人曾受錢物若干並不許進治十一月十一日江西運副錢佃言在法寫藏強盜竊沒家財充補盜賞然亦有初不知情止是以屋地稅賃使之耕作或有所犯州縣從而坐其窩藏之罪乞自今除逃軍自不合存留別有正法外自餘賊盜元非作過經斷配人所居或與主家隔遠初不知情止坐以不覺察之罪不得籍沒家財從之七年二月十三日廣西提刑徐詡言昨降指揮諸路州縣自今如有盜賊竊發稍甚去處仰本路提刑即時躬親起發前去措置收捕竊見一路兵權盡在帥司惟土兵弓手隸提刑司

其去本司遠者二千餘里近者亦是五六百里若倉卒起離本司必須徒手而出何濟於事乞撥本路見管推鋒軍一百七十人及其他將下或効用等兵揆成五百人隸提刑司庶得朝夕閱習及其未甚猖獗便可掩捕從之 七年三月十八日詔自今承直郎以下捕盜合得轉一官與改次等合入官每歲以八員為額若合得減三年磨勘與循一資餘一年磨勘候改官畢日收使其乾道賞令內承直郎以下捕盜改官條令敕令所依此州脩 八年閏三月十三日新知建康府范成大言海道荒查界分不明時有寇攘並無任責臣昨將明州管下諸寨各考古來海界繪成圖本及根括沿海船戶

以五家為甲如一船有犯同保併科亦已攢寫成冊並
藏在庫司如遇獲到海賊即檢照犯人船甲根株究治
乞行下制置司令于所隸州縣一體施行從之 九年
四月四日詔自今盜發所臨其帥守不能先事彈壓仰
三省樞密院具名將上先議責罰如平定有勞却行推
賞 十一年十一月二十七日福建路安撫提刑司奏
討捕汀賊姜大老等立功官屬將佐軍兵詔趙汝愚延
璽各特轉一官趙希曾轉一官餘人各轉官受賞有差
十二年二月三日進呈知平江府兵密言停藏海賊
王醫郎等二十七戶住屋盡行拆毀仍將妻屬出界不
令並海縣分居住上曰今後停藏劫盜人除斷罪外並

全拆毀住屋移徙家屬 四日廣西經略女府司言瓊
州樂會縣管下白歐洞首黎人王邦佐等聚集黎人五
百餘賊作過及與地爛陳浩讎殺保義郎陳升之部領
兵効前去撫諭各得寧靜及捕獲殺人軍賊林知福等
乞特賜推賞上曰黎人聚集作過萬一撫諭不定必須
獲罪可與減三年磨勘以旌賞之 三月十六日樞密
院言浙東勦餘姚上虞縣劫賊王蠻郎等係許浦定海
平江秀州等處官兵次第捕獲詔各令所屬將實有勞
効之人逐一保奏不得汎濫候到從樞密院奏照元案
如無異同取旨等第推賞 於是浙東提刑兵崇除直
龍圖閣趙師夔轉一官餘各以次轉官資 十二月四

日詔承節郎延祥塞正將鄭華特轉兩官資以福建
路安撫使趙汝愚言華深入大洋與賊接戰生擒賊首
蔡八等四十二人奪到被虜三十人華有捕賊活人之
功乞賜酬賞故有是命 二十六日詔守闕進勇副尉
惠州海豐縣駐劄官陳章贈承節郎男興祖特補進武
校尉差充訓練官仍賜錢五百貫巡檢張亨祖縣尉洪
鑄各降兩官資放罷 以廣東路經畧安撫潘時等言
海豐縣兇賊行劫陳章將帶駐劄官兵與賊接戰殺傷
死亡三十餘人緣章所帶兵太少身被重傷身亡其張
亨祖洪鑄不發弓兵會合討賊妄稱守護倉庫端坐解
舍乞賜降黜陳章以火擊衆體被重傷歿於王事有男

興祖材武出衆頗有父風乞優與推賞故有是命 十

三年八月二十三日詔興州都統吳挺肅清姦寇銷患

未形可令學士院降詔獎諭以振密院言抚管下諸州

累年招收疆盜數多故也 九月二十八日廣西安撫

司言莫記因越獄逃入化外犯邊作過守臣王侃密作

措置選委効用劉大明親書批字先以誠意諭令蠻酋

不動聲色生擒莫記得正典刑乞優加旌賞使之再任

所有王侃一時選差擒獲莫記往來宣力之人効用劉

大明進勇副尉權經略司準條將領思立寨駐劄陳端

乞賜甄錄詔王侃特轉一員減三年磨勘候今任滿日

令再任劉大明特補進義副尉陳端與轉三資 十四

年十二月十四日知恭州姚民特轉一官餘以次推賞
以四川制置司奏姚民等躬親前去體究蕃賊侵犯
安靜舊寨與賊鬪敵殺退蕃賊守寨無虞委是勞効故
有是命 十五年二月二十三日樞密院言昨汀州寧
化縣管下有賊人上官黃三等與三溪寨兵鬪敵殺死
官兵作過上官黃三被首領楊斌捉獲次賊首夏陳師
被首領李朝卿殺獲首級奉旨楊斌特補進義校尉李
朝卿補進義副尉汀州續申楊斌生擒賊首委有奇功
乞不拘常制優異推恩詔楊斌特補承信郎既而右諫
議大夫謝諤又言乞加一官以酬其勞詔特與更轉一
官 八月十一日知廣州朱安國言海寇陳青軍結集

徒黨在海虜掠商旅上岸剽劫居民正猖蹶間差李寶
部轄兵効擒獲到陳青軍等一十六名付獄禁勸捐一
階級旌此獄勞以為軍士之勸詔朱安國進職二等李
寶補承信郎 淳熙十六年二月二十七日詔汀州寧
化縣首領楊光祖特補進義副尉明溪峽管營副指揮
使湯旺與轉一資 以擒獲克賊官黃三等本州申奏
乞與推賞故有是命

此卷與前卷數
相接紹興紹
興之誤

全唐文

宋會宋

捕賊 紹興元年四月四日臣僚言嶺南地廣人稀每
歲冬月盜賊尤劇商旅不敢行於道臣嘗馳詢其故蓋
由江西湖南之游手每至冬間相率入嶺名曰經紀皆
設為旅裝出沒村落嘯聚險隘伺便剽掠又諸州過犯
人配遠惡州軍者往往皆刺於廣南此其所以多盜也
廣南兵卒寡弱所恃以禦盜者常藉首領蓋廣南之俗
隨方隅為團團有首領凡遇警則合諸團以把截界分
所謂首領者能因其俗而激用之誠除盜之一助也乞
令有司重立賞格為嶺南專法若首領能保護鄉井歲

久無虞前後捕盜委有勞績者令州縣保奏補以各目
或克悍徒黨稍或累捕不獲若能追捕之亦許保奏庶
幾知所激勸爭相效力應諸州有刺配過犯人於廣南
者當擇其強壯分配屯駐軍中無使克徒駢聚焚荒以
滋多患從之 十月三日詔知西和州揚緯特減三年
磨勘 本州威遠鎮賊徒蔡淵等作過緯差委得人即
將淵等全大擒捕本路帥臣言其功故有是命 二年
五月四日知潭州趙善俊言盜賊之發往往熾而難治
者患在州縣不即聞於所屬而養成其患也夫監司帥
兵去所部州縣動數百里盜發數百里外盡時以告尚
恐不及况匿而不聞者乎臣除已措置印給軍期格目

立定時刻行下所屬州縣今後遇有盜賊竊發去處仰
所屬一面先次火急收捕仍於所給格目畫時刻專差
人星夜飛申以憑措置施行如將來點檢得所申稽違
一時一刻致失機事訴臣將守令申奏乞重賜黜責又
言州縣盜發不即申詣司或慮諸司差到官兵收捕必
須應副殘糧以故遲延養成後患除已行下逐州遇申
到事宜即從本司斟量緩急措置如合差撥官兵並從
本司與漕臣取撥錢糧應副纖毫不擾州縣又言尋常
州縣官吏有一種邀功生事之人遇有盜賊竊發故意
遲延縱令猖獗覲平定後策勳推賞此尤當禁戢從之
八月二十九日宰執進呈趙充夫以汀州盜發自劾上

曰趙充夫首先捕獲賊徒興轉一官如兵將官總官等當與次第推賞 十月二日詔諸路州縣應彊盜并殺人賊未獲者其所立賞錢先須契勘犯人有無居止及有無藏匿之家即不得先於被盜被殺處材保均備如獲正賊後見得犯人委無居止及藏匿之家即依條令被盜被殺處材保出備 三年八月十七日從事郎溫州永嘉縣尉俞厚與改次等合入官以捕獲彊盜林崇等酬賞故也以上光宗會要 慶元元年十月二十六日湖南諸司申紹興五年搖賊潘耒夫等作過邵陽新化兩縣巡檢龐福邵陽縣東尉李國良西尉喬滋邵州都監薛章邵州黃安洞首領白身廖才興各係追趕鬪敵立功

之人統轄官田昇係招撫立功之人詔龐福田昇各特
與減二年磨勘李國良喬滋薛章各特與減一年磨勘
廖才興令湖南安撫司更特與擢設一次 三年五月
六日臣僚言今之盜賊所以滋多者其業冗有二一曰
販賣私鹽之公行二曰坑冶爐戶之恣橫二者不能禁
制則盜賊終不可彌乞於產鹽去處嚴行禁戢毋令透
漏如弓兵受贓縱容一併根究重行決配諸路坑冶戶
管下大匠州委通判縣委縣丞各令五家結為一甲互
相覺察如有違犯爐戶及結甲人同罪仍於置爐去處
揭立板榜備坐指揮曉示令本處巡尉逐月巡歷守俸
常切覺察如有違長令提刑司按劾從之 七月十二

日臣僚言向來陳侗李金賴文政姜大老之徒始者官
司不即掩捕竟成大盜所過殘滅乞行下逐路帥憲詣
司并州府軍縣令後凡有不逞之徒仰所屬官司徑申
上司照會即時起發弓兵務在必獲特與從條推賞若
因循怠慢以致賊黨熾盛亦不以輕典宥之其或乘間
投隙邀功生事者監司郡守嚴行禁戢從之 十二月
二十五日詔新羅州左江提舉林堦特除名勒停送筠
州拘管永不放還日下差人管押前去仍令筠州月具
存在申三者樞密院商榮商佑商佐候經略司保明到
日取旨推賞 以提舉廣東常平茶鹽公事陳宏規奏
大莫山賊包藏禍心蓋非一日堦向在水軍曾任統領

與大英山人素來通同故賊目竊發之初便聲言須是
林左江來乃受撫諭及擒到彼教賊索戰亦曾對眾自
言高登等曾到其家意欲誇人以賊實相親信而不知
其姦計自露此寇所以敢如是猖獗實緣內有所恃若
非錢之望調登有方尚榮與其子率眾兵血戰廣州亦
度度手殆哉乞將林壘重寘典憲以泄百姓之怨將商
榮父子優加旌賞以一路之心故有是命 五年五月
二十四日臣僚言今之州郡軍政廢弛教閱具文武備
弗言何以止盜且郡守安於苟簡一切委於下吏縣尉
職王捕寇患在權輕不能禁暴於未然令長雖共其事
不任其責乞將守令批書嚴立盜賊殺最之法必能嚴

飾武備繕脩鎧衣補足兵額而縣道所管土軍弓手之屬亦須留意招填以時教閱與其責巡尉捕盜於已發之後孰若守令止盜於未然之前從之 六年三月二十七日宰執進呈聶有乞減捕盜賞劄子京鏜等奏其議以有理亦難以一槩論所在固有盜處要得縣尉用心警捕祖宗之法未易輕改上曰豈可例行鐫削二十八日右正言兼侍講程松言乞嚴敕州縣之吏毋得以禁卒弓手塞兵充給他役專一教閱申嚴保伍之法遇有盜賊更相救赴諸州配隸之人其間有犯彊盜情重者悉令於土牢收管從之 六月二十四日詔令浙東安撫提刑司將收捕係破面傷中弓兵三十五人

審驗詣實每名各犒支犒設錢一十五貫於紹興府係
者錢內支目下當官給散內有捕賊被傷殘廢為疾之
人依舊支破請給以終其身或願以本名下長成子弟
承填者聽日下條籍收管支破合得請給仍仰逐一開
具聞奏其軍寨子弟委的曾隨父兄出力收捕更行契
勘人數姓名申樞密院 九月十一日詔朝奉郎知隆
州王宗孟與轉一官其未獲賊仰本州嚴行根捉須管
日下取獲以廣西經略安撫司秦化外安南國門州殊
徽到據休寧黃宗德社被離州永平寨管下石西州漢
峒百姓楊六芝等劫去牛馬又安南諒州正副使阮承
節等被祿州賊首黎爾釋等破蕩村舍劫掠人口取

去家資見在界首本司體訪得交趾人使擁數千人在境上事體非輕已即時行下雖州安撫都監司催促永平寨同巡檢寨官措置彈壓仍究實前項事迹就行追捕賊徒赴官根出元叔去交趾物色牛馬等發還交趾受領及將所獲賊徒根究情犯從條施行遂委權通判雖州蔣來叟前去左江永平寨從長措置斟酌事宜將溪峒賊人所劫去交趾牛馬等件日下根出交還如有虜到人仍令先次發還續據永平寨官修武郎時方中等申管南阮承節等肯從說諭退回本處其交趾一行人各已退回諒州去訖雖州都巡檢顏世興說諭出楊六芝所虜交趾婦人阿甲阿劉五娘三人見在溪峒思

明州聽候發還交趾權承平都巡檢柳宗彥擒獲到正賊楊六芝馮大檄二名已聞報交趾前來承領阿甲等回歸本司照得交趾係安南國地里闊遠朝廷封以王爵非其他小小夷獠之比今因石西州溪峒人作過劫奪交趾牛馬等物件又虜婦三人名並係安南國近上威屬以致交趾遣使二員仍以數千人至境上事體非輕今來知羅州王宗孟分遣官吏授以方略開諭禍福以致交趾一行人盡回本國總又督責官兵管捉獲石西州賊人楊六芝馮大檄等又根出賊人所虜交趾婦人還歸本國一時之變並已銷彌委是區處合宜顯有勞勩故有是命 嘉泰元年三月十八日詔令沿江諸

軍主帥責委巡江將官兵效今後用心巡邏或賊徒經由本界分作過他處敗獲勘出元透漏日分即仰主帥將當月將官兵効具申樞密院等第重行責罰六月十八日詔沿江都統司申明透漏縱容之禁使之上下接連相與伺察每江內有賊船去處日下會合擒捕用命者許為保奏優加恩賞其透漏去處仍與議罪務在必行以臣僚言大江自京口至池陽去冬以來有私鹽賊船出沒作過若不及早隱處必為後患故有是命九月十二日臣僚言今日盜賊之多在于士大夫不知以殺止殺專尚姑息每遇獲盜便即減落情節務從輕典彼安得痛自懲艾乞自今遇獲強盜無得姑息核實

情犯盡法必行懲一勸百使盜賊之風日彌從之 四

年正月十八日臣僚言詞訴之間備見海寇行劫者非

一蓋緣類海豪戶利在窩贓巡尉水軍與為表裏洎其

敗獲獄吏又陰與為市多方全護者海道何由肅清乞

嚴敕提刑安撫司及沿海水軍統帥自今各須督勵所

部明示賞罰務要盜賊息絕海道肅清其獲到賊徒亦

須窮情根勘毋縱吏姦鋤去根株囊橐之弊若或仍前

曠弛被劫人有詞訴到臺擇其甚者將憲帥統兵官具

名彈奏取旨責罰從之 二十八日廣西諸司言瓊州

西浮峒吳四弟等聚集劫掠兵馬鈐轄耿明等捕獲立

功詔耿明特轉一官部將宋執中等推賞有差 五月

十二日右正言兼侍講楊炳言自今獲彊盜改合入官
比類優與循資若欠一名或兩名乞與理為全大或只
及其半與減半推賞或有餘剩人數與增累推賞願留
將來改官後收使者聽如此則不至以平人足數而濫
賞亦不絕其布賞求進而縱盜於人情法意皆兩全也
欲令吏刑部大理寺官公共看詳果得允當乞從之指
揮日為始詔令吏刑部大理寺看詳聞奏 既而吏部
侍郎湯碩刑部侍郎周祕等言看詳賊賞或以持仗竊
盜私情計囑獄司改為彊盜教令賊徒業首以出其罪
則是所得刑名即與本犯持仗竊盜無異引用前條備
受各依本法以全縣尉改官今措置自今後承勘彊盜

內有盜官案首之人不許改官止許比類循資在法獲
別火彊盜每四人比當同火一名獲兇惡彊盜二名比
當同火一名理膏往往縣尉獲同火彊盜雖及七八人
而未成全火即將續獲別火累轉後賞格轉官今有詳
今後不許用別火轉教止據獲到同火人數不許改官
止減磨勘比類循資如此則轉教之弊獄司受囑之弊
十可減其七八臣條所請已為允當乞遍牒施行從之

開禧二年六月五日江西提刑兼權贛州鍾將之言
方今規恢遠圖寇復彊宇州郡屯駐之兵既已調發城
池守禦之備未免濶疎平日盜賊往來之衝豈無潛窺
陰伺之患惟有土豪可以術用使之自保鄉閭考之條

於諸色人能捕彊盜者七人補校尉十人補承信捕克
惡彊盜者五人補校尉七人補承信自此以上則賞與
所不該載矣今欲于見行條格之外若有能捕獲彊盜
兩倍其數者與升一階一級若更能為剪除者仍更與
差遣一次從之 八月二十一日臣僚言乞申飭監司
郡守嚴督所部巡尉下謹擇隅官分委正長團結申戶
俾鄉井有相保之義盜賊絕窺伺之心或奉行鹵莽即
仰監司郡守將巡尉重者按劾輕者批者印紙仍具申
吏部照條施行其隅官保正并申本甲長並從所屬追斷
從之 嘉定二年八月二日內殿進呈江西帥司已捕
獲嘗口賊首李伯琬等人就本司處斷雷孝友等奏改

緣去年黑風峒賊徒例皆招安雖作過之後復得官爵
獨給因此又復作過今未江西湖南賊作焚毀巢穴剽
除淨盡上曰招安本非美事高宗聖語具載不可不知

九月十六日湖南安撫司言曹口賊徒李伯琥等嘯
聚作過督捕親兵忠義統領許國率兵剿除一方清肅
詔許國特轉兩官 三年三月十四日詔彈壓劉禹特
補承信郎土豪鄭鼎興押鄧鏗弓手鄧拱彈壓曹舟並
特補進義校尉以廣東安撫司言高等捕獲韶州九峰
峒賊徒黃福等故有是命 五月十八日監察御史鄭
昭先言比年海道之寇時或出沒商賈被害水軍寨兵
弓級不即殄滅或養寇以自豐或玩寇而不捕陰受其

賂反與交通乞戒救沿海州郡嚴督將官巡尉如遇海
寇竊發以時剿除毋致滋蔓其有尚仍舊習仰監司郡
守按劾以聞 九月二十七日廣西女撫司言宜州管
下安化蠻酋蒙文謂等結集諸蠻出犯省地督捕官劉
涇等收捕逆賊出降詔涇等六員各與補轉兩官資
出等奇功各與補轉兩官涇等六員各與補轉兩官資資第一等立功優支犒設
及 二十八日詔雄邊軍權統轄張黠特轉兩官 以
佞賊叔掠邊民黠深入佞峒捕獲賊首侯明等慰安殘
傷委立勞效故有是命 十一月八日詔鎮江都統兼
權淮東安撫畢再遇特轉六官仍特賜金帶束帶各一
條統制陳世雄將世顯馮樞各特轉四官仍各特賜金

帶一條米顯等一十四名各特轉三官正副將曹輝等
七名各特轉兩官統領李進四十五名各特補轉一官
資主管機宜文字劉燧書寫機宜文字畢衍各特轉兩
官仍與陞擢差遣一次節制淮東軍馬司準備差遣丁
潛夫特補承節郎知興化縣徐景特轉一官與陞擢差
遣一次知寶應縣張叔敖特轉兩官與陞擢差遣一次
興化縣尉周大川特猶兩資巡檢盧之才監莊趙清沿
淮巡檢陳子衡各特轉一官資以捕獲強盜胡海等
勞致政有是命四年十月二十三日詔忠義人胡友
睦特補脩武郎閣門祗候以友睦捕獲賊徒羅孟二從
江西帥司請也十一月五日樞密院言江州副都統

制劉元鼎昨統兵征贛州南安招捕賊徒委有勞効合
議旌賞詔劉元鼎特與帶行遠郡刺史仍特賜金帶束
帶各一條 八日江西安撫司言池州副都統制許俊
剿獲賊首李元勵羅孟二等委有勞効詔許俊特與轉
武功大夫仍賜金帶束帶各一條 同日湖南安撫司
言鄂州統制官雍正深入賊巢捕獲賊首李孟一并其
餘徒黨委有勞効詔雍正特與轉五官仍賜金帶一條
五年四月二十五日詔前湖南轉運司主管帳司趙
昔夫轉一官準備差遣趙汝緝鄂州推官王墜郴州司
法李文子檢法官邵總元贛縣丞陳粹贛縣主簿楊洽
前昭信軍節度使推官梁鎮各楮一資仍與減常員舉

主一員幹辦公事檀煥郴州郴縣令邢必學各循一資
參議官林叔度機宜文字陳元勳贛州通判尚振英各
減二年磨勘內礙止法人許依條回授以湖南諸司言
各收捕李孟一按鍾安誠等之功故也 八月二十九
日詔統領官郭榮許國各特轉三官統制官孫鐸統領
馬旺權統領李義各特轉兩官資統制曹顯權權撫幹
張志寧各特轉一官正將康世英轉一次餘各遷轉犒
賞有差 以湖南諸司言各收捕李孟一招安鍾安誠
等之功故也 十年八月二十七日臣僚言近聞天台
饑忙結集惡人以借糧為名恐喝強取財者相繼交關
互敵殺傷甚多若衡發饒信亦變漸有此今不早為之

所將恐其童愈增其兇愈熾乞頒告諸路監司郡守督
促巡尉日下收捕務令息絕渠魁真之與憲暫從許之
自新復安生素後之 十一年三月十六日知慶元軍
府兼沿海制置司公事韓元禮言温台明越四郡海道
遼闊盜賊出沒不常州縣各顧其私不相統一出彼入
此無由捕獲于是專立沿海制置一司以統之假以刺
舉之權故能使沿海州縣勦力一心不敢私自縱容盜
賊無所隱庇近歲玩習為常盜發某州某縣地分本司
就委推勘率是淹延不與結絕或盜賊供通合行取會
本司行移邈然無報乞行下沿海州縣同心一體以奉
王事不得仍前違慢自後遇本司行下推勘盜賊其有

淹延不早結絕及行移不即報應者容具奏施行從之
七月七日詔知通州林介特與轉一官兵馬監押賴
嘉言進武校尉陳源錄事參軍胡慶祖各特與轉一官
資隔官張邦權許桂各特與補一資以淮東安撫司言
介等廣設方略發蹤指授招收海洋賊首倪珍等受降
旌賞政有是命十一月二十一日詔知台州喻珪特
轉一官以督責巡尉出海捕獲賊首王子清等旌賞政
也十三年十月三日知循州牛斗南言循陽風俗亦
頗淳朴而獨苦于剽盜皆出于章貢販醴之徒蓋江西
之蓋仰給於通泰地邈而價穹由惠州私販以往雖近
而價廉乃姦猾失業之民逃亡配隸之卒急于射利法

禁難施贛興循為鄰壞私販往來十百為郡取道境內
吏不敢呵小失其意則弛控剽掠已而適入於贛雖欲
收捕而不可得乞明詔唐東江西兩路憲司合為一體
各嚴貴州縣之吏若盜發而不能捕與夫伏藏境內而
不為捕皆坐以不職之各則姦民無所容而盜賊彌矣
後之 十四月二月九日詔朝奉郎四川茶馬鄒益卿
四川宣撫司參議官張已之各特轉兩官以樞密院言
各收捕叛賊張福莫簡等之功故也 八月十五日倉
部郎中趙師懿言乞行下沿海州縣訓飭所部弓兵編
排所屬保甲應界分之內遇有寇盜未發而結黨既散
而踰伏責保甲之必緝嚴弓兵之必捕勢若可捕則協

力以圖力所不加則密告于上他時論功皆推重賞若
弓兵違限不獲官吏同罪保甲容情不首保內同科或
其他官司追緝有一二名敗露者即就研窮徒黨著落
盡興追捕究見某處弓兵某處保甲平日為之隱庇為
之道地則本處失覺察官吏頭目等人皆重寘典憲從
之 九月十日明堂赦文應命官合得捕盜賞或因臣
僚論奏繳駁小節不圓一時阻滯未曾放行除非賊私
罪犯之人可令吏部契勘具申尚書省特與斟酌放行
一次 十五年正月九日臣僚言今日警捕有官執獲
有賞縱緩有罰而沿海之寇猶多冒禁劫掠商旅多致
殺傷上司督捕之令雖嚴而有司擒捕之效未覩大抵

邑尉倖於成賞不繫心制領養逸不屑躬勞徧釋權輕
莫能令下至於弓手寨兵倚盜為利巡捕所至隣里騷
然瀕海細民反以為害盜不為止賊此之由之行下制
司嚴詰盜之禁重緩縱之罪仍痛戢寨兵出巡毋得騷
擾如或有此被害之人徑赴制司陳訴官吏而下重寘
典憲併就沿海出榜禁戢徒之 十二月九日詔沿海
制置章良明特與轉一官以樞密院言近者海盜不戢
吏明能究心措置擒獲賊徒二百六十五名並已酌情
行遣海道由是肅清故有是詔 十七日詔新除廣東
運判張從之特轉一官以湖南諸司言去歲本路郴州
桂陽縣管下有鍾志一等聚眾作過前知郴州張從之

遠桂陽薄蕭允恭桂陽令周思誠調發闕官何惟矣排
日督捕賊急就擒廣東江西湖南三路遂得寧靜餘官
已乞等第推賞外侵之實有指縱之功宜優與旌賞故
有是命